



Arkivnr: 2014/17092-14  
Saksbehandlar: Ingeborg Borgen Takle

## Saksframlegg

### Saksgang

Utval	Saknr.	Møtedato
Fylkesvalstyret		27.08.2015

### Oppnemning av arbeidsutval til kontrollteljing

#### Samandrag

Etter vallova skal fylkesvalstyret kontrollera gjennomføringa av fylkestingsvalet og m.a. kontrolltelja røystesetlane frå alle kommunane i fylket. For at ikkje arbeidsmengda skal bli for stor for fylkesvalstyret, blir det i saka foreslått å nemna opp arbeidsutval som kan stå for kontrollen som blir fordelt over fleire dagar og i nært samarbeid med Bergen kommune.

Forslag til medlemmer til arbeidsutvala er sette opp. Dersom det er naudsynt for nokon å endra på den dagen ein er foreslått sett opp må ei eventuell endring ordnast mellom medlemene og partigruppene. Eventuelle endringar må vera klare før handsaming av saka i møte.

Tilbakemelding om endringar må meldast til sekretæren for fylkesvalstyret (tlf. 55 23 92 81 eller e-post: ingeborg.borgen.takle@hfk.no) innan måndag 25. august.

#### Forslag til vedtak

1. Arbeidsutvala får fullmakt til å førebu fylkesvalstyret sin kontroll med gjennomføringa av fylkestingsvalet 2015 og i samband med det ta avgjerd i enkeltsaker og type av saker som ikkje er av prinsipiell rekkevidde.
2. Fylkesvalstyret nemner opp følgjande arbeidsutval i samband med kontroll av gjennomføringa av fylkestingsvalet 2015:

##### a) Arbeidsutval onsdag 16.09.2015

Medlemer:

1. Marte Malones (A)
2. Terje Søviknes (FRP)
3. Tom-Christer Nilsen (H)
4. Benthe Bondhus (SP)
5. Mona Haugland Hellesnes (V)

##### b) Arbeidsutval torsdag 17.09.2015

Medlemer:

1. Sveinung Valle (A)
2. Silje Hjemdal (FRP)
3. Mona Røssvik Strømme (H)
4. Astrid F. Selsvoll (A)

5. Birthe Eriksen (H)

c) Arbeidsutval fredag 18.09.015/ evt. laurdag 19.09.2015

Medlemer:

1. Aud Karin Oen (SV)
  2. Sigbjørn Framnes (FRP)
  3. Inge Reidar Kallevåg (H)
  4. Torill Selsvoll Nyborg (KRF)
  5. Nils-Olav Nøss (A)
3. Fylkesrådmannen delegerast mynde til å ta avgjerder ved prøving av røystesetlar i alle saker som er kurante. Fylkesrådmannen kan delegere mynde vidare.

Rune Haugsdal  
fylkesrådmann

Ingrid Kristine Holm Svendsen  
Fylkesdirektør økonomi og organisasjon

*Saksframlegget er godkjent elektronisk og har derfor inga underskrift.*

## Fylkesrådmannen, 22.07.2015

Valdagen er 14. september. Etter vallova § 10-9 skal fylkesvalstyret kontrollere gjennomføringa av fylkestingsvalet på grunnlag av det materiellet som blir sendt over frå kommunane. Dersom fylkesvalstyret finn feil ved valstyra sine avgjerder om å godkjenne eller vraka røystegjevingar eller røystesettlar, eller feil i oppteljinga, skal feila rettast.

Kommunelova § 10-4 opnar for at det kan opprettast arbeidsutval som kan få tildelt avgjerdsmynde. Regelen lyder:

*”Utvalget kan gi lederen eller et arbeidsutvalg myndighet til å treffe vedtak i enkeltsaker eller i typer av saker som ikke er av prinsipiell betydning, hvis ikke kommunestyret eller fylkestinget har bestemt noe annet.”*

Arbeidsutval som nemnd over bør få fullmakt til å førebu kontrollen med gjennomføringa av fylkestingsvalet, og å ta stilling til enkeltsaker og spørsmål som kjem opp i samband med kontrollen. Eit notat om fylkesvalstyret sin kontroll og opplysningar om praktiske forhold knytt til dette vil vera sendt fylkevalstyret sine medlemmer nærare valdagen.

Fylkeskommunen har inngått eit samarbeid med Bergen kommune bl.a. når det gjeld oppteljing av røystesettlar. Dette har vore slik for alle vala sidan valet i 2003. Tidlegare har Hordaland fylkeskommune og Bergen kommune og samarbeida når det gjeld sjølve valsysteemet som vart nytta. Ved stortingsvalet i 2013 vart dette endra i og med at det er utarbeidd eit sentralt valsysteem , EVA frå Kommunal- og regionaldepartementet som vert nytta for kontroll og valoppgjjer.

Røystesettlane vert talde maskinelt (skanna) og overført valsysteemet EVA som ivaretek opplysningane og registrer det som er naudsynt for å føreta eit valoppgjjer. Systemet registrerer endringane på listene. Det vil seia at det blir registrert kor mange personrøyster den enkelte får og nummerrekkefølga av kandidatane. Når det gjeld praktisk gjennomføring av kontrollteljinga vert den tekniske tenesta vedrørande bruk av maskiner/system/personale gjennomført i samarbeid med Bergen kommune, men slik at det skjer under fylkesvalstyret sitt oppsyn.

Etter vallova skal kommunane telja røystesettlane 2 gonger, først ei grovteljing (som i større kommunar skjer hos stemmestyra) og ei finteljing (endelig teljing), deretter skal fylkesvalstyret kontrolltelja fylkestingsvalet frå alle kommunane.

Kontrollteljinga og gjennomgangen av møtebøkene frå valstyra må skje når valoppgjjeret er kome inn frå kommunane. Dette reknar vi med å få inn onsdag føremiddag. Alle røystesettlane frå kommunane skal teljast på nytt av fylkesvalstyret. Dette vil då skje onsdag, torsdag og fredag. I og med at valsysteemet framleis er nytt er det vanskeleg å anslå kor lang tid denne teljinga (skanninga) /kontrollen vil ta. Valstyra sine møtebøker frå kommunane må og kontrollerast.

Når kontrollteljing er ferdig kan valoppgjjeret ta til. Erfaring viser at dette kan ta noko tid, og det er difor i møteplanen lagt opp til at fylkesvalstyret onsdag 23. september føretek endeleg valoppgjjer. Administrasjonen vil då ha tid på seg til å få alle resultat og merknader/forklaringar inn i møteboka. Kontroll og teljing vil gå føre seg i Bergen rådhus.

Opplegget som skissert over føreset at fylkesvalstyret kan vera til stades i Bergen rådhus når møtebøkene frå valstyra skal gjennomgåast og røystesettlane teljast. Det bør rasjonaliserast slik at ikkje heile fylkesvalstyret blir bunde opp over fleire dagar. Det er difor lagt opp til å dela fylkesvalstyret i tre arbeidsutval slik at det i utgangspunktet er fem medlemmer til stades under teljingane. Minimum må det vera tre kvar dag. Dette for at ein skal vera vedtaksfør.

Medlemene i det enkelte arbeidsutvala må vera tilstades i Bergen rådhus den dagen dei er sett opp. Dersom det er naudsynt for nokon å endra på den dagen ein er foreslått sett opp, må ei eventuell endring

ordnast mellom medlemene og partigruppene sjølve, slik at endringane er klare før handsaming av saka tek til.

Tilbakemelding om endringar må meldast til sekretæren for fylkesvalstyret (tlf. 55 23 91 27 eller e-post: ingeborg.borgen.takle@hfk.no ) innan måndag 25. august.

Det er fylkesvalstyret som skal godkjenne forkasta røystesetlar og røystegjevingar, på lik line med resten av valoppgjeret. Systemet som departementet har teke i bruk er i år lagt opp slik at dei forkasta røystesetlane må godkjennast før valoppgjeret kan produserast. Samtidig er det ikkje moglegheit for å gjere endringar på dei forkasta røystesetlane etter at dei er godkjent. Dette er ei endring frå tidlegare år.

Røystesetlar vert føreslått forkasta jmf. vallova § 10-3 dersom dei:

- Ikkje har offentleg stempel
- Det ikkje er klart kva val røystesetelen gjeld
- Det ikkje er klart kva parti eller gruppe veljaren har stemt på
- Partiet eller gruppa ikkje stillar liste i fylket.

Vilkåra er kumulative, det vil seie at alle vilkåra må vere oppfylte for at røystesetelen kan godkjennast. Vedlagt saka er retningsliner som er under utvikling for å sjå til at vilkåra over vert heldt og at ein ikkje føreslår å forkaste røystesetlar som skal godkjennast. Retningslinene vert utarbeida i samarbeid med Bergen kommune og ved fylkestinget skal verifiserarane sjå bort i frå punkt 5 Felt for ekstra personstemmer («slengere») da dette ikkje gjeld fylkestingsvalet.

Ei oversikt over dei forkasta røystesetlane for kvar kommune kjem fram i valoppgjeret som fylkesvalstyret skal godkjenne. Dei forkasta røystesetlane vert fordelt på kva vilkår som ikkje var oppfylt jamfør med valloven § 10-3.

Prøving av dei forkasta røystesetlane bør gjerast fortløpande for å få ein effektiv prosess og sjå til at valoppgjeret vert klart så snart som mogleg. For å unngå at valoppgjeret vert utsett vert det anbefala at fylkesrådmannen får delegert mynde til å ta avgjerder ved prøving av røystesetlar i alle saker som er kurante og at fylkesrådmannen kan delegere mynde vidare. Det vil seie alle saker som er klart innanfor dei fire vilkåra over. Dette har vore praksis ved tidlegare val. Erfaring visar at det er få røystesetlar der ein avgjerd ikkje kan takast på bakgrunn av dette.

Kommuneloven § 23-4 gir «*kommunalt folkevalgt organ mulighet til å gi administrasjonssjefen myndighet til å treffe vedtak i enkeltsaker eller typer av saker som ikke er av prinsipiell betydning, hvis kommunestyret ikke har bestemt annet.*» Kommuneloven opererer med omgrepa «*enkeltsaker og saker som ikke er av prinsipiell betydning*». Avgjerder i desse typar saker kan delegerast til administrasjonen. Dette omfattar saker som vert prega av lite skjønn, og er avgrensa til røystesetlar som kan godkjennast eller openbart forkastast jamfør vallova § 10-3. Avgjerder som ikkje er kurante skal leggest føre arbeidsutvalet til handsaming.